

詩

譚

詩譚自序

濮上鄙人幸聞郡先達李伯承
之風弱冠學爲詩坐以天性嬾
慢不克刻畫唐人比壯歲因親
老乞閒菽水之暇齋心習靜稍
稍知薄世味而饜道情向之所

爲詩頓欲棄去矣然而夫子曰
小子何莫學夫詩以及于興觀
羣怨事父事君博物洽聞舉必
繇之詩之關切于學若此要之
發乎情止乎禮義此夫子刪詩
之旨也近思錄曰興于詩者吟

咏性情涵暢道德之中而歆動
之有吾與點之氣象又云與于
詩是興起善意汪洋浩大皆是
此意此真說詩之善者也夫古
今之人不同而此心同古今之
詩不同而此理同逆其心而端

之以理取彼短吟暢我滿懷取
彼快談印我至性明道先生曰
學者不可不看詩看詩便使人
長一格價詩之益人信如是而
後益人也愚盲人也見地不靈
問津滋遠輒敢橫襟于作者之

室憑臆所至妄侵世務豈不自
立一罪案哉雖然我用我法可
也常怪依傍之內必無真品文
章事業須從至誠做起而後可
自信以信之百世詩家有聲噪
海內而于自己性靈上不曾道

著一語猶之功名場中往往有
捷致大位而于本等職分上不
曾盡得一事總之世法日重則
道法日輕世教沉淪誰任其咎
與抑世之談道者吾惑焉世間
好事惟忠孝便是宇宙間大道

理舍大道理而高談性命類剖
腹以藏珠也至剽竊釋老之蒿
矢爲發明心性之筌蹄猶之以
巴人下里而奏響于陽春白雪
之側不顧識者之掩口也可勝
惜哉愚之于詩譚也凡關於忠

孝大道理未始不三致意焉

國家多事爲人臣子者正宜提出真精神力量以畢效之

君父請以是集而告之 海內君

子其以爲譚詩也可譚道也可
卽以爲譚天下事也亦可

明崇禎乙亥孟夏東魯葉廷秀
謹序



詩譚白

一讀邵子詩至須信畫前元有易自從刪後
更無詩竊疑之已而思詩不關身心世教
卽擅場何益爰采詩之有關係者雖近俚
必錄否則如楓落吳江等句猶之白紙黑
字而無益于事茲集中竊倣三百篇之遺
意令人可興可觀庶于詩教有合云

一學者開卷有益。山林朝市總從自己體貼。

去自件件開發性靈。茲于松風竹韻前。偶
披偶得。偶當偶書。可揖談于王公大人。可
閒話于村夫野老。可抵掌古今世事。可款
語現前風花。而總之取醫俗疾。原本既忘
情事。錯由問而暢言。不妨狂肆。時而引言
有關係世教處。不妨累連。而總之于天理。
人情外。不溢一語。

一 寓內事類書已汗牛充棟。故不必分門取

次。展閱有得。正在冷然。入人。

一集中古今事不妨錯見。一人不妨重出。如入太行之巋。花鳥各別其趣。卽片石數樹。在遊人之自領畧耳。

一有因人而錄其詩者。詩卽不甚關係。而人已穆乎自遠。有因詩而想見其人者。未尚論其人。而詩已脩然不朽。然而詩之不如其人久矣。孔子云聽言觀行。方爲百不失。

一之法誠不敢以詩槩人也。

一標題間用詩中要語，以便讀者急流著眼。

一詩中事中有關切世教者方用。○次用
、、、平常或加、或并不加、所以別于
選詩之林。

一凡屬愚見評論，其點批皆出自胡氏昆仲，
間續渠意，則低一字附于後。

一畦壠井觀，妄思鼓吹風雅，卽古今名公大

儒之詩多未采入。他可知也。然天下無盡者。書終身誦讀。不及千百之毫釐。亦到手不放可耳。請正于海內高人志士。或增錄。或增評。大家式詩教之靡。而補世教之衰。有厚望云。

一千里寄刻字句間。舛邊旁多訛。前者爲甚。後出稍正。觀者原之。

詩譚用

書目

近思錄

孝經集註

正學編

道一編

小學內外篇

太平御覽

原教錄

韓文公集

唐詩紀事

吳草廬集

許魯齋集

越陰齋語

尚論篇

蘇子瞻集

歐文忠公集

大學衍義

包孝肅奏議

范文正公奏議

源流至論

唐語林

捫虱新話

鶴林玉露

柳子厚集

於磨注筆

涑水迂書

齊東莖語

平江紀事

南溪詩話

全唐詩話

省心錄

吳禮部詩話

一閒集

世說新語

自警篇

玄敬詩話

韻語陽秋

綠雪亭襟言

西湖塵談錄

皇明通紀從信錄

誠意伯集

交泰錄

近代名臣錄

皇明理學名臣錄

潛溪集

大學衍義補

羅一峯集

國朝名臣言行錄

羅整庵語錄

慎言集訓

羅念庵集

呂涇野語錄

白沙詩教

薛文清公集

蓬窗日錄

灼艾集

王塘南語錄

呂心吾呻吟語

萬以忠約言

歸子慕語錄

薛君采語錄

陽明先生集

閒情小品

見一筆談

可齋襟記

閱古隨筆

西湖志

近峰聞略

順義縣志

濮州志

懷柔縣志

耳談

續耳談

詩歸

明雋

明詩正聲

詩壇合璧

明詩選

李少保詩

草木子

古今彤史

古今名媛類編

紺珠集

風雅廣選

教家要略

顏光衷迪吉錄

喻子兵法

啓牘故事

唐詩助道

烏衣佳話

湘煙綠

古今藥石

呂涇野文集

楊啓昧山居功課

楊椒山集

青蓮集

晝永篇

東坡密語

晉書纂

陶靖節集

邵康節集

韓詩外傳

黃石公素書

周濂溪集

廣輿記

呂文選抄

趙夢白尺牘

李少卿伯承詩

百可漫志

聽雨紀談

蓬軒類記

客座新聞

枝山前聞

駒陰穴記

簷曝偶談

庚巳編

紀善錄

西樵野記

閒中今古錄

蘇談

畜德錄

莘野纂聞

綠雪亭言

仰山脞錄

歲抄

正楊陳文耀集

名世類苑

梓吳

古今人物紀畧

水東日記

藝薮談宗

書窗紀愚

快書

中州野記

黃山谷集

李延平集

談苑

初學記

林和靖集

聖學宗傳

來瞿塘集

詩諫用終

詩譚題

卷之一

心學

行得始爲難

舟中自如

方鬼子詩

五星詩

咏破錢詩

青言長
二八
鑷白髮詩

題北風

詩罷點燈

題韓溪

鄴中贈王大

子房智勇

分賢愚

兒曹鞭笞

高適贈盧明府

古君子行

寄生槐

韓公閱古堂

新安吏

食糟民

送張道士

草廬自警

言清是
一
榮陽公閒居詩

決策復隱

詩止供魚

石壕吏

歐陽文忠論治詩

南獠詩

弭盜愚議

卷之二

魏鶴山詩

不讀非聖書

誓儉草

孤山誤爲姑

樂意相關

李涉遇盜詩

聽讒詩

善戰服刑之案

紅女詩

誤傳寇至

挽海忠介

行樂及時

孤兒寡婦船

詩悉農苦

遠番難

憶昔詩

三年損道心

空門意味長

題真妃塚

題焚書坑

守庚申詩

二十八字致上科

典却春衫

文正淮上遇風

真率會詩

勇退爲難

借書沽酒

僧掛草鞋

養鴿遺譏

區區活數魚

咏雲遮天

世態炎涼

詩人言志不同

輓舟夫咏

胡廣同名

師生並高

勸孝偈

同氣偈

題畫猫圖

織婦詞

過順義詩

卷之三

人心不如石

董生行

許魯齋思親詩

薛文清公孝思

白沙上疏歸養

雲霄忤貴人

忘身總論

任事議

嫉賢報詩

鳴珂遊帝都

相廉夫詩

彭澤說淵明

修書闢幾場

狗監薦才

題清風嶺詩

送詩勵夫

甄節婦歌

卷之四

憶魏鄭公

詩記講席

題劉龍廟

贈葛蘭賓

聞巧詩

鬻盧詩

羅倫已復官

賣子嘆

踏災行

况太守

尹鳳岐諷時

附讀書論

南
題倚樹人

李西涯謚

樵夫圖詩

陸文量却私奔

鄒庶常詩

不作盲聾啞官

率性堂書懷

賦雪憂國

一度遷移一度閒

道人書壁

衡山峻節

教點太平

詩伎守義

却黃金詩

題牧牛圖詩

丈田投詩

清風兩袖

文公祠詩

愛蓮堂詩

蘇李泣別

四知臺詩

爲官徹底清

勸廉直詩

心不可有一事

傷時詩

從仕詩

寄劉逸士

聞規啼

呂溫偶然作

詩有道氣

卷之五

心和政平

崔膺感興

扣人難得心

上崔諫議詩

衛準句

何忍便休官

杜荀鶴詩

結交黃金

春陵行

爭比堯階三尺高

辛苦吟

行不由徑詩

贈米嘉榮

弔麴信陵

蘇渙變律

黃冠卿孝隱

皇家結網疎

楊賁時興

講筵賦詩

鶴傍牡丹圖

釣者口號

夜安晝閒

分甘念母慈

抄經頭陀

晦翁警世詩

登臨覺險

詩喜同道

臨危莫愛身

文公追詩

散作十分春

上賈似道詩

重內輕外

騎驢歸里

問池臺主

腰下幾時黃

戒躁進詩

太白晝見詩

朱陳村詩

詩賀三諫官

古人以學爲詩

詩存龜山祠

過昭陵詩

時清未忍辭官

夫婦雅操

覓睡方

賦牧童詩

狂得我情

呂與叔詩

野色天光

來瞿塘詩

節婦吟

閒處坐

洞庭老人詩

卷之六

李嶠才子

蘭溪幽居

乞食詩

武侯入寇誰家

黃花晚節

共醉竹根

詩賦家山

志堅詩送妻

退之剝啄行

平岳武穆

續詩選 主

雙硯明廉

應制悟主

宋尚書治河

陳士哲樂隱

胡馬圖

宣德六年敕

王文成避難遺詩

驛丞詩

題畫菊詩

刺貪詩

題梅花詩

官閒好讀書

夏忠靖大度

詩止飛稅

老牛詩

富翁知幾

蘭節婦詩

詩規太守

念親不逮

詩亦召讒

苦役謠

淘金行

詩勸戒酒

養生詩訣

江梅一味酸

酌貪泉詩

咏猫絕句

買臣圖

九月書事

飲墨

憂國淚

蘇氏原敬周程

水心句

王文康公詩

依樣葫蘆

長安貧兒鏤背文

木客吟詩

南陔孝子

咏懷雜詩

楊忠愍詩

羅一峰詩

謝信官

貧士輕富貴

英雄每欺人

咏桃

卷之七

王心齋樂學歌

王摩詰送別

獨有知時鶴

不遇咏

羌村詩

匡時第一篇

履霜操

勸孝勉廉

贈內詩

憶兄弟

心定萬事定

胡康魚詩

送鄒汝愚

一峰挽詩

我道固當然

恍懔歌

包孝肅詩

醒心亭

贈隱士

銀豆謠

咏蓑衣詩

咏傀儡詩

陳剛中詩

題爛柯山

題詩御史臺

巫頂飛雲詩

僧規詩

送見素致政詩

咏召伯湖女

警惕詩

董蘿石

得詩銘基

蛾眉亭詩

德顯御求輓詩

涂副使詩夢

子畏改字

胡文德

詩免伐木

野人疎禮

渡楊子江

題秋胡詩

未嫁從死

嫁女賦詩

去寺遺詩

雲中詩

修書寄嶺南

戒仕宦子弟

卷之八

朱子感興詩

王魯齋迷道詩

北山先生隱操

仁山金先生輓詩

題願軒詩

四休居士詩

送鄭產能知福昌縣

洗心詩

譏巧宦詩

次藍關詩

餞張建封

韋澳吟

李景遜勇退

讀李斯傳

口箴

芙蓉花

張九齡清約

賦詩規誠

迴波辭諫

樊公觀潮詩

龜放長江

琵琶亭詩

送王平甫下第

求仙詩

誤疑仙題

誦詩被遣

夜半日出

詩譏安石

杜詩論

樂道詩

情竭爲知音

論政詩

齷齪詩

廉州歌

野老歌

富貴曲

王維漆園詩

詩辭方伯

史不足信

日射窗屋

餘事不挂服

地理警人

淵明醒石

忠臣二女

東野讓一步

春在枝頭

投詩渡舟

勉淮南守將

卷之九

狄梁公祠

詩止和戎

傍水閒行

以詩辭官

孫海諷刺

耿偉名言

元稹放言

贈藥山高僧

憂旱詩

雪望詩

山居詩

挂瓢歌

唐球詩瓢

方三拜詩

上柳相公

漁父歌

司空圖高節

送丘爲詩

張彪襍詩

試院詩

享清閒福

書聯自警

畢竟思未有

李又錢詩

咏石季倫

守睢陽詩

負薪老翁

孟門行

越謠歌

燕子樓詩

舊桃賦詩

木蘭辭句

咏昭君詩

館考佳句

功成歸田

裴潛挂胡床

詩戒好色

新嫁娘

歸信吟

梁石門詩

千里詩同

我愛仙居好

司天臺

瘦馬行

林和靖詩

勉學者

挽李延平

春日憂亂

除書滿紙

公道白髮

賈生

避俗

布衣

卷之十

源頭活水

依舊青山

省力事多

譏張思叔

勸學

笑報常處士

睡德

論文

我亦有丹

論詩

羨里操句

咏留侯句

人間不信事難易

逢時

歐公好詩

知孔明詩

華林書堂

致政相公

送唐介詩

黃陳聯句

包中丞稱職

示學者詩

出守桐廬

寒草含綠

寄傅逸人

仁義浸生民

虛心得賢

保生在無欲

賣餅兒

墨染絲

獄多重囚

讀邵康節詩

一等吟

物理吟

詐者吟

憂喜吟

不願吟

爲善吟

待物吟

天事吟

君子吟

善惡吟

天人吟

求鑑吟

中原吟

時事吟

名實吟

治心吟

人情吟

知人吟

民情吟

見義吟

責已吟

恩怨吟

長憶乍能言

悟人一言

答人書意

緣飾吟

知人吟

自古吟

答王宣徽

傷心行

代書寄友

感事吟

試筆

寬猛吟

龍門道中

閒行吟

首尾吟八首

陳白沙詩

詩譚題終

詩譚卷一

東魯謙齋葉廷秀輯評

新都無所胡正心

曰從胡正言

子著胡正行較訂

心學

天向一中分造化。人從心上起經綸。此康節之
語錄
詩也。中心如自固。外物豈能侵。此明道之詩也。

夫心者人之神明所以具衆理而應萬事耳目
口鼻之不相亂者此心也喜怒哀樂之不失節
者此心也大學言正心孟子言盡心求放心而
心學之旨盡矣。關洛諸公紬繹心學之扁鑰發
明性學之淵源惟以敬爲傳心之要。明道之論
心曰敬以直內。伊川之論心曰閑邪存誠。橫渠
之論正心曰當以已心爲嚴師。魯齋曰萬般補
養皆虛僞。惟。有。操。心。是。要。規。伯。敏。曰。紛。紛。枝。葉。

費推尋。到底根株只此心。呂與叔曰。終日聖門無一事。只輸顏子得心齋。朱子曰。聖賢千言萬語。只要人不失其本心。又云。靜觀靈臺妙。萬化從此出。云胡自蕪穢。反受眾形役。然則先賢之用心。爲後學之楷模。外此果無餘蘊矣。羅一峰曰。凡治己。必先治心。不治其心。則一病去。一病生矣。持守此心。如過獨木橋。如御逸馬。如見大賓。而對上帝。使主心常存。客氣聽命。則病根自

除而病證不作矣。此乃敬以存心之徹論也。安得有志心學者而共證之。

心學難言矣。未問操心。先問識心。不識心之爲心。而遽言操心。心斯病矣。善乎程伯子之言曰。學者先須識仁。仁者渾然與物同體。識仁者。識心也。又曰。識得後。不須窮索。不用防簡。惟誠敬以存之。存之云者。猶獲一物。惟存之無失而已。非時時拘執之爲存也。况心乃

神明無聲無臭無方無體而亦無可拘執無
可操持者。故聖賢工夫有次第之不同。先曰
察識。後曰存養。曰擴充。至於存養之功亦惟
曰戒懼。曰顧諟。曰克明。曰緝熙。曰敬以直內。
曰直養無害。皆隨時隨處因其自然而惺存
保任之耳。大都明善之功原難。而誠身之功
較易。陽明子謂合得本體是工夫。做得工夫
卽本體。二語可法。儒者未先識心。每專事操

心未有不方所執持而拘學把捉之者又卽
釋氏譬言煮砂作飯盲修瞎鍊是也就詩而
論則如朱子詩云等閒識得東風面萬紫千
紅總是春。又千葩萬蕊爭紅紫誰識乾坤造
化心。又昨夜江邊春水生。朦朧巨艦一毛輕。
向來枉費推移力。此日中流自在行。又若悟
本來非木石。保君弘毅不能休。又圓融無際
大無餘。卽此身心是太虛。一日洞然無別體。

方知不枉費功夫。又謂有寧有迹。謂無復何
存。惟有酬酢處。特達見本根。萬化自此流。千
聖同茲源。曠然遠莫禦。惕若初不煩。以及爲
有源頭活水來。數點梅花天地心。等詩不可
枚舉。要皆善言心。亦善言操心之句。且程子
言敬亦精曰。居敬則心中無物。苟非識心體
虛明。何能以無物之敬爲居。若執一敬以居
心。則心中已多一敬之物爲障礙。如鑑體先

滯影光而以之照物安得纖毫非察邪識此
庶可言心亦庶可言操心矣

行得始爲難

尹和靖詩云能言未是難行得始爲難須是真
男子方能無厚顏呂涇野先生極服此論先生
嘗與某先生至一寺甚幽僻某曰行到此寺方
知此寺模樣可見行在知前先生曰若非知有
此寺何由行到此寺知非在行前乎推其論亦

曰行必由知而入知至方能行耳伊川易傳曰知至至之致知也知終終之力行也知之在先守之在後聖賢見道分明自是如此。

前賢詩云知未能行知未真真知未有不能行然則欲求能行亦惟求知之真耳真知亦難言矣程明道曰真知與常知異嘗見一田夫曾被虎傷有人說虎傷人衆莫不驚獨田夫色動異於衆若虎能傷人雖三尺童子莫

不知之然未嘗真知。須如田夫乃是。故人知不善而猶爲不善是亦未嘗真知。若真知決不爲矣。又朱子與趙恭父書云只是自欺便是知得不曾透徹。此間亞晚有嘗鼠藥而中毒者幾致委頓只是不曾真知砒霜能殺人更何疑耶。觀程朱二夫子之論則知至方能行愈了然矣。

舟中自如

宋唐介爲御史時言事遭貶英州介南行渡淮
至中流大風波浪洶湧舟人怖之介兀坐舟中
自如吟以詩曰聖宋非狂楚清淮并汨羅平生
仗節義今日任風波夕躋南岸又繼韻云舟楫
顛危甚魚龍出没多斜陽幸無事沽酒且高歌
大氣節人果處困而亨也此與伊川謫涪渡江
遇風浪大作舟人皆失色伊川正襟端坐神色
泰然事同皆從見大心泰中來非臨時可勉強

也。

方鬼子詩

方惟深字子通能詩所居陋巷蕭然終日閉門
或吟詩獨步引手瞑目如與人語或靜中搏拏
跳躍故人謂之方鬼子方嘗徑造一園亭不遇
主人竟盤礴終日因題詩云何年兀突庭前石
昔日何人種松柏乘輿閒來就榻眠一枕清風
君莫惜城西今古陽山色城中誰有千年宅來

慈近川

吳郡素

阿道洛

方米賢

達忠名

多

人間不

信事難

為

去何須問主人。主人自是六中客。又嘗詠古柏。
云四邊喬木盡。見孫曾見吳宮。幾度春若使。當
時成大廈。也應隨例作埃塵。行舟詩云湍流怪
石礙通津。一一操舟若有神。自是世間無妙手。
古來何事不繇人。釋仲殊訪方留詩云多年不
見玉門翁。今日相逢小樹東。依舊青瑣無長物。
只餘松檜養秋風。可見方之清簡云。

五星詩

謝疊山作五星詩五緯煌煌聚在泰項王稱霸
沛公臣誰知四百年天下已屬寬仁大度人乃
實錄也。

咏破錢詩

毘陵有一女李姓年十三歲能詩破錢詩云半
輪殘月掩塵埃依依猶有開元字想見清光未
破時買盡人間不平事夫世界自公平惟錢神
能顛倒之可勝嘆哉。

鑷白髮詩

將復軒鑷白髮詩，勸君休鑷鬚毛。班鬚到班時，
已自難。多少朱門年，少子業風吹上北邙山。觀
此可破老年之憂。

題北風

嚴滄浪題北風云：夜來雨雪北風頭，吹得波濤
欲暗天。世上如今少知己，煩君牢繫釣魚船。世
無真隱在江湖，而管廊廟者多矣。一惟風波却

詩言
一
憶山林身名胥溺。悔何及哉。嚴之題北風真不減北風之什也。

詩罷點燈

蔡君謨守福州上元日令民間一家點燈七盞
陳烈作大燈長丈餘大書其上曰富家一盞燈
太倉一粒粟貧家一盞燈父子相對哭風流太
守知不知猶恨笙歌無妙曲君謨見之還與罷
燈亦可謂勇於受善矣昔明道先生作縣皆書

視民如傷四字。豈安民苦不遑。忍無益而又害之乎。書云不作無益害有益。在初爲吏者尤宜知之。

題韓溪

蜀峽路間有溪曰韓溪。乃蕭相國追淮陰侯處也。劉涇題一絕云。豪傑相從意氣中。憐才傾倒獨蕭公。後來可是無奇客。東閣投名尚不通。嗚呼士貴士賤。固自有時。抑或求人與求于人者。

有不同耶。近俗一至大位，僉以不見容爲高。四方利病，亦不相聞。無怪用人行政，多有不合衆心者矣。乃謝容之意，惟恐人干之以私也。苟平生秉公，從不以私干人，人誰敢干之以私者。昔尚書左丞相李廌，有清德，其妹劉晏妻也。晏方秉權，嘗造廌，延至寢室，見其門簾甚敝，乃令人潛度廣狹，以鹿竹織成，加緣飾，將以贈廌。三携如足至門，不敢發言而去。王文端公直在吏部時，其

子爲南京國子博士考績在部文選郎中議改

如長向處有私之清也

北學公不可曰是亂法自我始矣楊文定公溥

執政時其子自鄉來道出江陵縣獨不爲天台

范公理所禮文定深器之卽擢爲德安太守再

如○是○向○處○有○

擢貴州方伯或勸范當致書范曰宰相爲朝廷

私○謂○之○私○

用人非私于理也吁有三公之清公當不徒以

謝容爲高矣

鄴中贈王大

李太白鄴中贈王大詩一身竟無託遠與孤蓬
征千里失所依復將落葉并中途偶良朋問我
將何行欲獻濟時策此心誰見明君王制六合
海塞無交兵壯士伏草間沈憂亂縱橫飄飄不

何地。器。不。

得意昨發南都城紫駟捩下嘶青萍匣中鳴投

無此。壯。懷。濟。不。得。也。

軀寄天下長嘯尋豪英耻學瑯琊人龍蟠事躬

求。神。人。子。

耕富貴吾自取建勛及春榮我願執爾手爾方

是。朋。友。

達我情相知同一已豈惟弟與兄抱子弄白雲

論

琴歌發清聲。臨別意難盡。各希存令名。此詩始敘相遇之情。而終勉之以存令名。可謂古人交道矣。因思有士如此。忍令其彈鋏行邁。當日司推轂者何人與。因憶歐陽永叔送任處士歸太原詩。一虜動邊陲。用兵三十萬。天威豈不嚴。賊首猶未獻。自古王者師。有征而不戰。勝敗係人謀。得失繇廟筭。是以天子明。咨詢務周遍。直欲採奇謀。不爲人品限。公車百千輩。下不遺僕賤。

况于儒學者延納宜無間。如何任生來三月不

得見方茲急士時論策豈宜慢。任生居太原白

首勤著撰。閉戶不求聞。忽來誰所薦。人賢固當

用舉。諺不加謔。賞罰兩無文。是非奚以辨。遂令

拂衣歸。安使來者勸。嗟吾筆與舌。非職不敢諫。

按永叔在朝以獎進天下士為已任。此詩之作

想在野時乎。故末句有激乎其言之也。萬曆末

年有喻子龍德以其所學干本兵不合拂求而

案詳解

雖在此

二句

併勿來太輕易

雙句是句

去今讀其著喻子兵法似胸中有甲兵者乃知
天下不患乏人。患在不用。包孝肅應制畧曰用
人之道不必分文武之異。限高卑之差。在其人
何如耳。若得其人不次進用。則必有成效。荀子
曰。大賢不待次而舉。大惡不待次而誅。然則進
賢退不肖。寧須歲月哉。

子房智勇

李太白經下邳圯橋懷張子房詩子房朱虎嘯

壯古原
如此

破產不爲家。滄海得壯士。椎秦博浪沙。報韓雖不成。天地皆振動。潛匿遊下邳。豈曰非智勇。我來圯橋上。懷古欽英風。惟見碧流水。曾無黃石公。嘆息此人去。蕭條徐泗空。此詩中智勇二字。足該留侯一生。天地皆振動一語。尤足令留侯千古不死也。如此詩議論。豈非有用文章。

分賢愚

長安交遊者。貧富各有徒。親朋相過時。亦各有

以娛陋室有文史高門有笙竽何能辨榮瘁且
欲分賢愚韓退之贈孟郊詩也分賢愚一語近
于玩世然足使貧士吐氣矣

兒曹鞭笞

坡公古意云兒曹鞭笞學官府翁憐兒癡旁咲
侮翁出坐曹鞭復呵賢于羣兒能幾何兒曹鞭
人以爲戲公怒鞭人血流地等爲戲劇誰復先
我咲爲翁兒更賢嗟嗟蒲鞭政微且有以刑罰

輕重恣喜怒者矣。昔人言爲官不是使性氣處。一語可爲龜鑑。

高適贈盧明府

良吏不易得。古人今可傳。靜然本諸已。以此知

天治非
字尚不

其賢。我行挹高風。羨爾兼少年。胸懷豁清夜。史

漢如流泉。明日復行春。逶迤出郊壘。登高見百

里。桑野鬱芊芊。時平俯鵲巢。歲熟多人烟。奸猾

唯閉戶。逃亡歸種田。迴軒自郭南。老幼滿馬前。

皆賀蠶農至。而無徭役牽君觀。黎庶心撫之。誠
萬金何幸逢。大道願言烹小鮮。能奏明廷主一
試武城絃。此詩當與春陵行並傳。以爲良吏之
幟。

古君子行

君子防未然。不處嫌疑間。瓜田不納履。李下不
正冠。嫂叔不親授。長幼不比肩。勞謙得其柄。和
光甚獨難。周公下白屋。吐哺不及餐。一沐三握

髮後世稱聖賢夫自禮教不明學者惡檢押而
趣踈弛且有禮法不爲我輩設之說矣夫不學
禮無以立聖訓甚明 明薛文清曰不以禮制
心其欲無涯吁其嚴乎

寄生槐

檜惟凌雲材槐實凡木賤奈何柔脆質累此孤
高榦龍鱗老蒼蒼鼠耳光燦燦因緣初莫原感
吒徒自歡偷生由附託得勢爭葱蒨方其榮盛

此、謂士在

天下耳、

不肖不

知于微、

而成下

若者、

時曾莫見真質欲知窮悴節宜試以霜霰萌芽

起微葉辨別垂先見剪除初非難長養遂成患

雖然根性殊常恐枝葉亂惟應植者深幸不習

而變合容固有害勦絕須明斷惟當審斤斧去

惡無傷善玩此詩永叔其有深慮乎毛詩曰蒼

兮蔚兮南山朝隰言小人在位而氣焰衆盛也

易曰履霜堅冰至貴防之于早則可矣

韓公閱古堂

兵閒四十年士不識金革水旱數千里民流誰

墜闢公初來視之嘻此乃子責將法多益辦萬

千由十百整齊談笑間進退有寸尺曰此易爲

耳在吾繩與墨天成而地由古所重民食貯儲

非一朝人命在旦夕惟茲將奈何敢不竭吾力

木牛尚可運玉罄猶走糶因難乃見材不止將

有得公言初未信終歲考成績驕惰識恩威誣

吟起羸瘠黝黝著行伍倉廩飽堆積文章娛閒

暇傳記尋往昔。英雄文與武。粲粲圖四壁。酒令
列諸將。談鋒推辨客。周旋顧視間。是不爲無益。
循吏一州守。將軍萬夫敵。於公豈止然。事業本
夔稷。富壽及黎庶。威名懾夷狄。當歸廟堂上。有
位久虎席。大匠不揮斧。衆工隨指畫。從容任羣
材。文武各以職。此歐公詩。足爲韓公道。出吏治
苦心。不止先憂後樂之云也。

新安吏

詩譚

客行新安道喧呼聞點兵借問新安吏縣小更
無丁府帖昨夜下次選中男行中男絕短小何
以守王城肥男有母送瘦男獨伶仃白水暮東
流青山猶哭聲莫自使眼枯收汝淚縱橫眼枯
却見骨天地終無情我軍收相州日夜望其平
豈意賊難料歸軍星散營就糧近故壘練卒依
舊京掘壕不到水牧馬役亦輕况乃王師順撫
養甚分明送行勿泣血僕射如父兄愚議 國

家徵募動點鄉兵所謂驅市人而之戰也府帖
下之州縣州縣下之鄉村轉報而上竟成紙上
畫虎耳歐陽文忠置兵禦賊議曰去年所置鄉
兵弓手等無一處州縣得力者蓋由官吏不得
其人賞罰無法而所置鄉兵弓手皆不堪使用
所以張皇騷擾空有爲備之名而無爲備之用
今朝廷雖依富弼起請令州郡置兵若不先擇
官吏嚴立法令則依前置得不堪使令之兵空

凡事實
效須先
得人。

有其名終不濟事。天下盜賊日甚，豈可不憂？如必行州縣置兵之法，先須澄汰官吏，免致虛爲騷擾，反更害民。有是哉！文忠之論爲至也。愚嘗謂察吏安民爲弭盜良策，不知于時務何如。

食糟民

田家種糯官釀酒，推利秋毫升與斗。酒沽得錢糟棄物，大屋經年堆欲朽。酒醅澆潏如沸湯，東風來吹酒瓮香。纍纍罌器與瓶，惟恐不得嘗。官沽

薛文清

曰于后

察院每

念章蘇

州自漸

居處節

味醲村酒薄，日飲官酒誠可樂。不見田中種糯人，釜無糜粥度冬春。還來就官買糟食，官吏散糟以爲德。嗟彼官吏者，其職稱長民。衣食不糞耕，所學義與仁。仁當養人義適宜，言可聞達力可施。上不能寬國之利，下不能飽民之饑。我飲酒爾食糟，爾雖不我責我責何繇逃。今夫一命之吏，歲月之祿，皆萬姓之脂膏也。再以居處供應吏卒廝役，詳陳悉筭，則宜凜然若履冰炭然。

詩譚

卷一

十八

十竹齋

未視斯
民康之
句惕然
于心

若臨淵有惕于素餐負乘者多矣。不肖者且視
爲一方討債逞虐肆貪罔所顧畏何也。獨怪上
人激揚不明卽有彈劾吞舟多漏吏治何肅焉。
甚且明知其貪虐不堪而故微色發聲以示其
意。及暮夜之金進竟轉而推薦之者。幾何不播
其惡于衆哉。

送張道士

韓文公敘送張道士詩言張道士嵩高之隱者

通古今學有文武長材寄迹老子法中爲道士

以養其親九年間朝廷將治東方貢賦之不如

法者三獻書不報長揖而去京師士大夫多爲

詩以贈文公詩曰大匠無棄材尋尺各有施况

當管都邑謂左官賢也杞梓川不疑張侯嵩山來而有熊豹

姿開口論利害劍鋒白差差恨無一人捶爲國

箠羗夷詣闕三上書臣非黃冠師臣有膽與氣

不忍死茅茨又不媚笑語不能伴兒嬉乃着道

是壯少
汗竟

士服衆人莫臣知臣有平賊策狂童不難治其
言簡且要陛下幸聽之。天空日月高下照理不
遺。或是不章奏繁裁擇未及斯寧當不俟報歸袖
風披披。荅我事不爾。吾親屬吾思。昨宵夢倚門
手取連環持。今日有書至。又言歸何時。霜天熟
柿栗收拾不可遲。嶺北梁可構。寒魚下清伊。旣
非公家用。且復還其私。從容進退間。無一不合
宜。時有利不利。雖賢欲奚爲。但當勵前操。富貴

老者所
以事君
安敢不
位

非公誰

草廬自警

吳草廬先生十八歲。卽奮志正學。其自警詩云。
氣昏嗜臥害非輕。纔到更初困倦生。必有事焉

常恐恐只教心要強。惺惺縱當意思沉。如醉打

學才遲
德修業

起精神。坐到明。着此一鞭。能勇猛。做何事業。不

雖一勇
字不得

能成。此克己之旨也。橫渠曰。爲學須矯輕警惰。

凡耳目役于外。攬外事者。其實是自惰。不肯自

治只言長短不及反躬者也。明呂涇野先生

語錄問意所便安處如何去得。先生曰不止一端。如于飲食居處衣服處俱是。只是受病處。不同。須是于意所便安處一刀兩斷。方能有爲。

榮陽公閒居詩

榮陽公謫居閉門却掃不交人物有詩云老讀
文書與易闡須知養性不如閒竹床瓦枕虛堂
上臥看江南雨後山元符末起知單州登城樓

詩云斷霞孤鶩欲寒天無復青山礙目前世路
崎嶇飽經歷始知平地是神仙上蔡先生云透
得名利關方是小歇處亦是此意

決策復隱

泉州守臣滿壽庚拒宋益廣二王殺諸宗室帝
移潮州納款于元壽庚武人其計得出于元壽
歲所畫決策既定乃佯着黃冠野服隱山中自
稱處士不臣二姓之意忽二書生來謁索紙筆

其誰欺
乎

寫詩其一曰梅花落地點蒼苔、天意商量要入
梅、蹙蹙不知春去也、雙雙飛過粉牆來、其一曰
劍戟紛紛扶主日、山林寂寞閉門時、水聲禽語
皆時事、莫道山翁總不知、書畢拂袖而去、壽茂
惶汗失措而已、

詩止供魚

錢武肅時西湖苦供使宅魚、羅隱題潘溪釣園
曰、呂望當年展廟謨、直鈞釣國更誰如、若教生

征、在西湖上也是須供使宅魚武肅聞詩、咲蠟共

石壕吏

愚嘗謂詩生于情。情至自能動人。稽古征役之苦、載在變雅。如有俚玄草漸漸之類、洵足爲窮民揮涕、偶讀杜子美之石壕吏、描情寫景、悽楚不堪、有意民瘼者、宜何如動念也。詩云暮投石壕村、有吏夜捉人、老翁踰牆走、老婦出門看吏

呼一何怒、婦啼一何苦、聽婦前致詞、三男鄴城
戍、一男附書至、二男新戰死、存者且偷生、死者
良已矣、室中更無人、惟有乳下孫、孫有母未去、
出入無完裙、老嫗力雖衰、請從吏夜歸、急應河
陽役、猶得備晨炊、夜久語聲絕、如聞泣幽咽、天
明登前途、獨與老翁別、夫吏呼及老嫗、誠爲異
事、然在征役煩苦之日、實有此景、後世差役之
出、驅民如赴湯火、往往公費一而私費百不魚

肉盡不止。間以情免者。則傷其財。以身免者。則去其鄉。猶未已也。一人役而扳累數人。一家逃而移禍數家。貪酷之吏。且利其遺產。擅行計賣。致民流離無所。生還無路。如之何。民不窮而盜不起也。

歐陽文忠論治詩

讀歐陽文忠荅子華學士安撫江南送張洞推官赴永興經畧司二詩。指畫時弊。吐陳治畧。寫

山心上痼瘵。不可以詩論矣。然非文忠誠不能

有此詩也。其荅子華學士云

百姓病已久。一言難遽陳。良醫將治之。必究病

天下事

所因。天下久無事。人情貴因循。優游以爲高。寬

壞子推
誤者大

縱以爲仁。今日廢其小。皆謂不足論。明日壞其

人壞之
後人按

大。乃云力難振。旁窺各陰拱。常職自遠巡。歲月

人又誤
之後人

寢。隳頽紀綱。遂紛紜。坦坦萬里疆。蚩蚩九州民。

竟何濟

昔而富且安。今也迫以貧。疾小不加理。浸淫將

成

四語正
是所城
艾以伍
先之之
意
爲政不
在多言
類力行
如何耳

偏身湯藥乃常劑未能去深根鍼艾有奇功暫
痛勿呻吟痛定肢體胖乃知鍼艾神猛寬相濟
理古語六經存蠹弊革僥倖濫官絕貪昏牧羊
而去狼未爲不仁人俊又沉下位惡去善乃伸
賢愚各得職不治未之聞此說乃其要易知行
每艱遲疑與果決利害反掌間舍此欲有爲吾
知力徒煩家至與戶到飽饑而衣寒三王所不
能豈特今所難我昔忝諫官日常趨紫宸聖君

因時度
勢以來
至當須
從虛公
探詢中
來

堯舜心。閔閔極憂勤。子華當來時。玉音耳常親。
上副明主意。下寬斯人屯。江南彼一方。巨細到。
可詢論。以上恩德。當冬反陽春。吾言乃其槩。豈
止一方云。
女。天。下。之。心。

送張洞推官云。自古天下士。及時難必成。爲謀

于未然。聽者或莫聽。忠至而後圖。智者有不能。
天。下。事。無。不。成。此。

未遠前日悔。可爲來者銘。熙熙彼西人。老死織
與耕。狂狷一朝叛。烽火四面驚。用兵五六年。首

惡竟逃刑仰賴天子聖乾坤量包并稱濟效臣

職冠帶復人形四海得休息瘡痍肉新生敢問

前孰失恃安而弛兵酒餽為善將循嘿乃名卿

慮患謂生事高談咲難行一方兵遽起愚智俱

營營上煩天子仁肝食憂吾氓謀議及臺阜幽

棲訪巖何小判不足為涓流助滄溟大功難速

就舍卒始改更徒自益紛擾何繇集功名乃知

深遠畫施設在安平今也實其時鑑前豈非明

詩評

又似觀及無事奈何

嚴嚴經畧府樽俎集豪英千管飽而嬉萬馬牧

一語似前見于樂府詩之用人

在垆相公黃閣老與國爲長城張子美而秀文

可勝見矣

章博羣經從軍古云樂知已士所榮感激報恩

義當來請長纓愚按歐公二詩卽奏議無如此

貼切乃知熱腸報國者一矢口不忘當世之慮

可謂有用文章矣公詩有曰文章無用等畫虎

豈非有所重哉韓子曰君子居其位則思死其

官未得位則思修其辭以明其道士君子固無

時無地而得忘世也。

南獠詩

洪宋區夏廣恢張際四維狂孽久不聳民物令
春熙耆稚適所尚游泳光華時遽然攝提歲南
獠掠邊陲予因叩村叟此事胡如斯初似懼人

是破胆光景

問未語先涕垂收涕謝客問爲客陳始基撫水
有上源水淺山嶮巖生民三千室聚此天一涯

是亂之水

狼勇復輕脫性若鹿與麋男夫不耕鑿刀兵動

言言

此民名起于臨溪文界，易于難識，官守亦多誤，生此未辦，

相隨宜融兩境上殺人取其貲因斯久久來此

思不心

是汝寇光景

其所無
傷其害

寇宜為羈鼠竊及蟻聚近稟焉敢窺勢亦不久

滋長

住官軍來相馳景德祥符後時移事亦移四輔

二語寓規

失計在此安能勤政

哲且善天子仁又慈將軍稱招安兵非羽林兒

非成思

龍江一牧抽羅騎材亦非威惠不兼深徒以官

兼流術
以治兵

力欺智畧仍復短從此難羈縻引兵卸甲嶺部

設得此短光景亦非

陣自參差鋒鏑殊未接士卒心先離奔走六吏

灰明知國挫威自茲賊聲震直寇融州湄縣宇

寫出美
劫擄掠
情形惡
異。

未討敵
時信勇
何用。

和離子
曰百萬
之師統
于一條

及民廬燬蕩無孑遺利鏃淬諸毒中肯無藥醫

長刀斲人股橫屍滿野遶婦人及孳產驅負足

始歸堂堂過城戍何人敢正窺外計削奏疏一

不得不開

一聞宸閣赫爾天斯怒選將興王師精甲二萬

餘猛毅如虎龍劍戟凜秋霜族祭罔朝曦八管

與七萃豈得多于茲外統三路進小敵胡能爲

前驅已歷境後軍猶未知荷戈莫言苦負糧深

可悲哀哉都督郵無辜遭屠糜嗟咋計不出還

則勝若
千萬人
千慮其
心共以
存于敵
必失近
世道將
慨其
不相謀
一選對
生商機
于底何
以刑勝

出招安辭半降半來拒變意猶狐疑厚以縉錦
贈狙心詐為卑戎帳草草起賊戈躡背揮我領
老叟言不覺顰雙眉吮毫兼疊簡占作南僚詩
願值采詩官一敷于彤墀愚按此歐公詩慨盜
賊之覺端起于養癰憤將帥之縱寇不啻放虎
始終以招安為名以軍事為戲耳近時事不敢
盡談願以此告之當事附弭盜愚議于後

弭盜愚議

謹議天下之事，未有不始于微而成于著者。在昔黃巢不過一鹽徒，張角不過一妖師耳。方其伏莽鼠息，擒之一隸卒之能，而此輩厚結軍民，上下蒙蔽，不難畜虎養癰。迨其召號羽翼，噴目語難，以至調軍遣帥，糜費金錢，糜爛黎赤，儼然爲中原一勁敵。卒難翦滅，則初縱者之過也。而已不可問矣。夫當盜賊蜂起之日，而議保甲互詰，猶驚蛇打草，議僉富爲兵，猶撥本治標，卽議

編鄉民爲兵驟行之則見戲畫虎而安得緩急
之恃哉請言治盜之弊則莫若以縱盜之實而
行撫盜之名盜未獲而兵先驕兵先貪而盜且
餌逗留悻恣將與卒同心擄掠妄殺兵與盜同
害此皆撫盜之說誤之也先臣劉誠意曰教天
下之作亂者其招安之說乎遂使天下之義士
喪氣勇士裂背貪夫悍客攘臂效尤曰不幸落
魄猶以凶命邀利祿盜何畏而不長哉故曰教

天下之作亂者。招安之說也。宋臣歐陽修言于其君曰。近日盜賊縱橫。若不早圖。恐貽後悔。遂上禦盜四事。中選捕盜之官。與明賞罰之法。誠爲今日切務。惟在

聖明嚴勅撫鎮。一意剝滅。懸賞在前。軍法在後。勿以鄰國爲壑。而暫報蕩平。勿以觀望爲智。而微幸解散。務期渠魁盡翦。而後稍寬脅從。風聲震迅。一方斂靖。卽四方之戒。數世之創。可矣。抑

盜賊生發必有其故。則察吏不可以不嚴也。州
縣守令果賢。而子弟視民。催科不擾。且屬民而
讀法。抑五申而三令。何至青天白日。忍見赤子
之弄兵潢池也。然渤海朝歌。古今難之。但察吏
之官。動色告誡。遇縱盜殃民者。不特白簡如包
孝肅言。應有盜賊。不以多少遠近。須捕捉淨盡。
免成後害。或少涉弛慢。竝乞重行。

朝典。是亦防川于未潰。防火于未燃之急着也。

此類奏議已屬常談，但期得人，以實行之，乃于
時事有濟云。

詩譚卷一終